



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 5. De authoritate, & consensu superioris in alienatione rerum Ecclesiæ secularis?

[urn:nbn:de:hbz:466:1-73045](#)

282 Tract. in Lib. III. Decretal. Quæstio XIII.

mutare, vel vendere audeat, nisi forte aliquid horum faciat, & meliora prospiciat, & cum totius Cleri tractatu, atq; consensu id eligat, quod non sit dubium profuturum Ecclesiæ. Et infra: Episcopus rebus Ecclesiæ, tanquam commendatis, non tanquam propriis utatur; irrita enim Episcoporum venditio, & commutatio rei Ecclesiasticae erit absque continentia, (rectius conniventia.) & subscriptione Clericorum. &c. Tua. 8. De his, quæ a Prelat. ibi: Irrita enim Episcoporum do-natio, venditio, & commutatio rei Ecclesiasticae erit, absq; conniventia, & subscriptione Clericorum; per hoc enim novis solutam secundo loco propositam quæstiōnem, cūm conceffiones Ecclesiærum perpetuas ad alienationes non sit dubium pertinere.

1201 Not. autem 1. hoc procedere de jure communī in alienatione propriæ dicta, & casibus, jure expressis, videlicet, donatione, venditione, & permutatione; Sic Molina cit. n. 7. Not. 2. ex Abbat. in c. 2. h. t. n. 4. in pluribus locis non observari, ut subscriptio fiat in alienationibus rerum Ecclesiasticarum; imò sufficere, ex consuetudine, ut fiat manu Notarii; Sic etiam Pirhing h.t.n. 31. Not. 3. in instrumento confecto manu Notarii non requiri expressionem omnium Capitularium; Sed sufficere, si testetur de unanimi, veletiam majoris partis consensu dato in alienationem; Sic Abbas in c. Quarto. 5. de his, quæ fiunt à Prælato. Quod ipsum præsumitur, licet in instrumento simpliciter dicatur, Capitulum consensisse; Sic Pirhing de rebus Ecclesiæ non alien. n. 32. §. not. 2. Not. 4. quod, qui nomina absentium Capitularium in Instrumento subscribi sinit, ac si præsentes essent, & tanquam præsentes consensum dederint, de criminе falsi teneatur, & argui possit. L. 13. C. ad Legem Cornel. de fals. Et talia instrumenta sunt irrita; & faciens sic inscribi, tanquam falsarius puniri potest. c. Quant. cit. in fin. junct. gloss. V. abuentium. Not. 5. Si Notarius non sit adhibitus, debere confici instrumentum alienationis sic, ut loco subscriptionis sigillum Capituli apponatur; quia qui sigillum instrumento apponit, videtur illud ratum habere. Gloss. in L. 2. C. de rebus alienand. V. Conquisita.

§. 5.

De authoritate, & consensu su-perioris in alienatione rerum Ecclesiæ secularis?

Dupliciter in alienatione rei Ecclesiæ. 1202 sticæ potest superior suam authoritatē interponere. 1. si ipse, ut causa principali-s faciat alienationem de consensu Capituli; 2. Si non ipse, sed aliud inferior, v.g. Conventus, Rector Ecclesiæ, alienet de consensu Superioris v.g. Episcopi ex-presto, ut dicitur 12. q. 2. c. Abbatibus 41. ibi: Abbatibus, Presbyteris, ceterisque Ministris, de rebus Ecclesiasticis, vel Sacro Ministerio alienare, vel obligare, absq; permitti, & subscriptione Episcopi sui nihil liceat; quod, qui præsumperit, degradetur communione concessâ, & quod temere præsumptum, aut alienatum est, ordinatione Episcopi revocetur.

Not. autem 1. consensum, qui in minoribus, seu inferioribus absoluitè consensu dicitur; in eo, qui ex officio publico præfet, vel legitimam administrat onem haber, auctoritatem appellari. Gloss. in c. 1. h. t. in 6. V. Tractatus. Nam consensus, est etiam Minorum; auctoritas, tan-tum Majorum, seu superiorum. Sic In-nocent. ibidem n. 3.

Not. 2. auctoritatem superioris esse de substantia alienationis, quando illam præstat, ut causa principalis, seu ut dictum est primo modo; consequenter actus sine illa celebratum, etiam jure naturali in principio invalidum esse, quia sic decesset consensus unius ex contrahentibus. Quando autem posteriori modo requiritur, non est de substantia actus; sed tantum de solennitate extrinsecâ; quia tali casu, etiam sine illo, alienatio jure saltem naturali valet; & si ex intervallo intervenit, actus convalescit, ut etiam jure positivo valeat, prout in simili dictum est superius. Not. autem etiam in hoc casu, superioris consensum, ex-pressum esse debere, cit. c. Abbatibus. 1204 12. q. 2.

Not. 3. Præter auctoritatem Episco-pi requiri etiam consensum Capituli Ca-thedralis in alienatione rei pertinentis ad Ecclesiæ secularis, Cathedrales inferio-rem,

rem, Episcopo subjectam, & Conventum carentem. Arg. Clem. 2. h. t. intellige, si alienationis auctor sit ipse Episcopus; si autem ejus auctor sit alius, Episcopo inferior, sufficit authoritas Episcopi sine consensu Capituli cathedralis, modo adsit consensus Capituli ejus Ecclesie, si Collegiata sit, cuius est res alienanda; licet adhibere Episcopus eo casu debeat consilium Capituli Cathedralis; Sic Pirhing h.t.n. 45, ubi addit, quando inferior alienat rem Ecclesie carentis conventu (v.g. Rector Ecclesie non Collegiata) sufficere authoritatem solius superioris.

§. 6.

*De autoritate, & Consensu
Superioris in alienatione re-
rum Ecclesie regularis.*

1205 Supp. 1. auctoritatem praestare in alienationibus rerum Ecclesiasticarum esse actum ipsis Episcopis reservatum, sive jurisdictionis Episcopalis; per c. Abbatis. 12. q. 2. c. Inventionibus. 17. q. 4. hinc iis tantum competit, qui Episcopalem, vel quasi Episcopalem jurisdictionem habent in Ecclesiis sibi subjectas, sive sint Regulares, sive Seculares.

Supp. 2. ex Regularibus, quosdam exemptos, quosdam non exemptos à jurisdictione Ordinariorum; & Episcopum respectu non exemptorum conferi superiorem, cuius authoritas intervenire debet in alienatione rerum, quas facit superior Regularis non exemptus.

Supp. 3. Superiori Praelati Regularis *exempti*, & immediate subjecti Papæ, conferi ipsum Papam, cuius authoritas intervenire deberet in alienatione, quam facit ejusmodi superior exemptus; excipe, nisi habeat sui Ordinis Generalem. Nam eo casu ipse Generalis, vel ex illius concessione Provincialis, loco Episcopi esse censetur. Hinc ipsius authoritas interveniens sufficit alienationi factæ à tali superiori regulari exempto; ita Suarez. tom. 4. de Relig. l. 2. c. 27. n. 13. his præmissis:

1206 q. In alienatione rei Ecclesiastice, facta à Praelato Regulari *non exempto*; requiri auctoritatem Episcopi; nisi ipse Praelatus in Ecclesiam, cuius est res alien-

nanda, habeat jurisdictionem quasi Episcopalem; sic Francus in c. 1. h. t. in 6. n. 23. Not. autem iure novo per Constitutionem Urbani VIII. editam 7. Septembr. 1624. (quam refert Tannerus tom. 3. D. 4. de Just. q. 7. D. 7. n. 193.) prohiberi Regularibus omnem alienationis speciem, tam immobilium, quam mobilium pretiosorum, adeoque omne pactum, quo eorum dominium transfertur, censum perpetuum, seu vitalium, hypothecas, locationes, conductiones, infudationes, & emphytheusim, nisi in casibus à iure permis- sis, sine expressa licentia sacra Congregationis Concilii Tridentini in scriptis allegata, & gratis concedenda, subpoena privationis omnium officiorum, quæ tempore alienationis obtinebant; vocisque activæ, & passivæ, ac perpetua inhabilitatis ad ea imposterum obtinenda, quam ipso facto incurrerent: existimo tamen per hoc non derogari privilegiis eorum Regularium, vi quanto eis sufficiat auctoritas sui Generalis, ant ab eo delegati.

Hinc in questione de alienationibus, quæ fiunt à Regularibus, (an indigeant, præter sui superioris licentiam, auctoritate, ac consensu Episcopi?) consideranda sunt specialia ipsorum jura, quæ illorum Ordini, de gratia sedis Apostolicæ, & summorum Pontificum gratiosè indulta sunt; & secundum ea, in questionibus circa rerum Ecclesiasticarum alienationes respondendum; De quo etiam V. in sequentibus.

Not. autem 1. quando dicimus, Regularares *non exemptos*, in alienationibus rerum Ecclesiasticarum, indigere consensu Ordinarii sui, cui subjecti sunt, intelligi de alienationibus rerum Ecclesie, quæ non sunt pleno iure subjectæ Regularibus. Nam in his, quæ ipsis pleno iure subjectæ sunt (nimirum privative ad Episcopum, vel Ordinarium) hujus consensu non indigent. Nec obstat, quod praestare auctoritatem, seu consensum in ejusmodi alienationem, quæ fit à Regularibus, Episcopo subditis, sit juris Episcopalis. Concedo enim id procedere, ubi tales Regularium superiores ipsi non gaudent jurisdictione, quasi Episcopali in Ecclesie.

Tom. III.

Nu 2

fus,